

ხელშეკრულების დადების საფუძველია „სახელმწიფო შესყიდვების შესახებ“
საქართველოს კანონის 10¹ მუხლის მე-3 პუნქტის „ზ“ ქვეპუნქტი

ხელშეკრულება N 3
CPV კოდი - 75100000

ქ. ფოთი

22 იანვარი 2021 წელი

ერთის მხრივ, ქალაქ ფოთის მუნიციპალიტეტი (შემდგომში „შემსყიდველი“), წარმოდგენილი ქალაქ ფოთის მუნიციპალიტეტის მერის გოჩა კურდღელიას სახით და მეორეს მხრივ, სსიპ საქართველოს შინაგან საქმეთა სამინისტროს მომსახურების სააგენტოს ეკონომიკური და ლოგისტიკის დეპარტამენტის უფროსის ზურაბ ჭელიძის სახით (შემდგომში სააგენტო), წინამდებარე ხელშეკრულებით შეთანხმდნენ შემდეგზე:

მუხლი 1. ხელშეკრულებაში გამოყენებული ტერმინთა განმარტება:

- 1.1. მექანიკური სატრანსპორტო საშუალებები – 50 სმ3-ზე მეტი ძრავის მუშა მოცულობის მქონე სატრანსპორტო საშუალება (მოპედის გარდა), აგრეთვე ყველა სახის სასოფლო-სამეურნეო ტექნიკა, მათი მისაბმელები, ნომრიანი აგრეგატები და დამხმარე ტექნიკური საშუალებები, რომლის დადგენილ წესით რეგისტრაციასაც ახდენს სააგენტო.
- 1.2. რეგისტრაცია – “მექანიკური სატრანსპორტო საშუალებების სავალდებულო რეგისტრაციის წესების შესახებ” საქართველოს შს მინისტრის 2007 წლის 31 იანვრის №150 ბრძანებით განსაზღვრული წესით, სააგენტოს მიერ მექანიკური სატრანსპორტო საშუალებების სავალდებულო რეგისტრაცია, რეგისტრაციაში ცვლილებების განხორციელება, სარეგისტრაციო ნიშნების მინიჭება, საგზაო მოძრაობაში მონაწილეობისათვის მათი დაშვება და დადგენილი წესით სარეგისტრაციო სისტემაში და დოკუმენტებში ინფორმაციის აღრიცხვა.
- 1.3. რეგისტრაციაში ცვლილებები – სამართლებრივი საფუძვლების არსებობისას სააღრიცხვო მონაცემებში და მექანიკური სატრანსპორტო საშუალებათა დოკუმენტში ცვლილებათა შეტანა;
- 1.4. სარეგისტრაციო ნიშნები – სანომრე ნიშანი, ტრანსპორტის სარეგისტრაციო მოწმობა (ტექნიკური პასპორტი), დროებითი მოწმობა, ტრანზიტი, შიდა ტრანზიტი, ტექნიკური ტალონი, სპეციალური სანომრე ნიშანი “TEST-ი.
- 1.5. საფასური - სსიპ საქართველოს შინაგან საქმეთა სამინისტროს მომსახურების სააგენტოს მიერ გაწეული მომსახურებისათვის დაწესებული საფასურებისა და ვადების შესახებ ~ საქართველოს კანონით დადგენილი სავალდებულო გადასახდელი, დამატებული ღირებულების გადასახადის ჩათვლით, რომელიც გადაიხდება სააგენტოს მიერ გაწეული მომსახურებისათვის;
- 1.6. მომსახურება – კანონმდებლობით გათვალისწინებული საფუძვლის არსებობისას მექანიკური სატრანსპორტო საშუალებების საექსპერტო შემოწმება; დათვალიერება;

რეგისტრაცია; დაჩქარებული მომსახურება; აგრეთვე სააგენტოს კომპეტენციას მიკუთვნებული სხვა მომსახურება.

1.7. დაჩქარებული მომსახურება – შემსყიდველის მოთხოვნის საფუძველზე მომსახურების განხორციელება საქართველოს კანონმდებლობით განსაზღვრულ ვადაზე უფრო შემჭიდროებულ დროში;

მუხლი 2 . ხელშეკრულების საგანი

2.1. ხელშეკრულების საგანია კანონმდებლობით დადგენილი წესით, სააგენტოს მიერ შემსყიდველისათვის, ამ ხელშეკრულებით გათვალისწინებული მომსახურების გაწევა ხელშეკრულების 3.1. პუნქტში მითითებული სავარაუდო ღირებულების ფარგლებში.

მუხლი 3 . ხელშეკრულების ღირებულება და ანგარიშსწორების წესი

3.1. ხელშეკრულების სავარაუდო ღირებულება შეადგენს 1500 (ერთიათასხუთასი) ლარს და მისი ოდენობა დაზუსტდება ხელშეკრულების მოქმედების პერიოდში ფაქტიურად გაწეული მომსახურების მიხედვით.

3.2. მომსახურების ტარიფები – მომსახურების ტარიფები განისაზღვრება მოქმედი კანონმდებლობის შესაბამისად.

3.3. გადახდის ფორმა - უნაღდო ანგარიშსწორება.

3.4. გადახდის გრაფიკი - ეტაპობრივად, მომსახურების გაწევიდან არაუგვიანეს 10 სამუშაო დღისა, კანონმდებლობით დადგენილი, შესაბამისი დოკუმენტაციის და მიღება-ჩაბარების აქტის საფუძველზე.

3.5 შემსყიდველის მხრიდან მიღება-ჩაბარების აქტზე ხელმომწერ, უფლებამოსილ პირს წარმოადგენს, ქალაქ ფოთის მუნიციპალიტეტის მერის მიერ განსაზღვრული უფლებამოსილი პირი, რომელიც ხელს აწერს ქალაქ ფოთის მუნიციპალიტეტის სახელით დადებული სახელმწიფო შესყიდვების შესახებ ხელშეკრულების შესრულებასთან დაკავშირებულ მიღება-ჩაბარების აქტს.

მუხლი 4. სააგენტოს უფლებები და ვალდებულებები

4.1. სააგენტო ვალდებულია:

4.1.1. კანონით განსაზღვრულ ვადებში განიხილოს შემსყიდველის განცხადება მექანიკური სატრანსპორტო საშუალების რეგისტრაციის შესახებ და მიიღოს შესაბამისი გადაწყვეტილება;

4.1.2. იმ შეთხვევაში თუ შემსყიდველის მიერ რეგისტრაციისათვის წარმოდგენილი დოკუმენტები და მექანიკური სატრანსპორტო საშუალებები სრულად აკმაყოფილებენ მოქმედი კანონმდებლობის მოთხოვნებს მოახდინოს მათი რეგისტრაცია და მიანიჭოს სარეგისტრაციო ნიშნები;

4.1.3. შემსყიდველის მოთხოვნის საფუძველზე მიაწოდოს მას ფაქტიურად განხორციელებული მომსახურების შესახებ წერილობითი ინფორმაცია;

- 4.1.4. რეგისტრაციაზე უარის შემთხვევაში დაუსაბუთოს ზეპირად ან/და წერილობით მექანიკური სატრანსპორტო საშუალებების რეგისტრაციაზე უარის თქმის საფუძველი.
- 4.1.5. შემსყიდველის მიერ რეგისტრაციის დოკუმენტებში ხარვეზის აღმოფხვრის შემთხვევაში ხელმეორედ განიხილოს იგი;
- 4.1.6. გაუწიოს შემსყიდველს ჯეროვანი მომსახურება;
- 4.1.7. თავის უფლება-მოვალეობების განხორციელებისას სრულად დაიცვას საქართველოს მოქმედი კანონმდებლობის მოთხოვნები;
- 4.1.8. შემსყიდველის მიერ საფასურის კანონით დადგენილ განაკვეთზე მეტი ოდენობით გადახდის შემთხვევაში, წერილობით მოთხოვნის საფუძველზე, დაუბრუნოს შემსყიდველს სხვაობა გადახდილ თანხასა და კანონით დადგენილ განაკვეთს შორის;
- 4.1.9. ხელი შეუწყოს შემსყიდველს კანონმდებლობითა და ამ ხელშეკრულებით მინიჭებული უფლებების გამოყენებაში.
- 4.2. სააგენტოს უფლება აქვს:
- 4.2.1. კანონიერი საფუძვლის არსებობისას უარი განაცხადოს მომსახურების განხორციელებაზე;
- 4.2.2. რეგისტრაციის განხორციელებისას მოითხოვოს კანონმდებლობით გათვალისწინებული დოკუმენტები;
- 4.2.3 მოსთხოვოს შემსყიდველს ამომწურავი ინფორმაცია გადარიცხული თანხების შესახებ;
- 4.2.4. მოახდინოს გადარიცხული თანხების ინსპექტირება;
- 4.2.5. შემსყიდველთან ურთიერთობებში ისარგებლოს ყველა იმ უფლებით, რაც მინიჭებული აქვს საქართველოს კანონმდებლობით.

მუხლი 5. შემსყიდველის უფლებები და ვალდებულებები

- 5.1 შემსყიდველი ვალდებულია:
- 5.1.1. დაემორჩილოს სააგენტოს კანონიერი მოთხოვნები;
- 5.1.2. მექანიკური სატრანსპორტო საშუალების რეგისტრაციისათვის სრულად წარმოადგინოს კანონმდებლობით გათვალისწინებული დოკუმენტაცია და გაიაროს ყველა საჭირო პროცედურა;
- 5.1.3. თავის უფლება-მოვალეობების განხორციელებისას სრულად დაიცვას საქართველოს მოქმედი კანონმდებლობის მოთხოვნები;
- 5.1.4. სააგენტოს მოთხოვნის საფუძველზე მიაწოდოს მას ამომწურავი ინფორმაცია გადარიცხული თანხების შესახებ;
- 5.1.5. ხელი შეუწყოს სააგენტოს კანონმდებლობითა და ამ ხელშეკრულებით მინიჭებული უფლებების გამოყენებაში;
- 5.2. შემსყიდველს უფლება აქვს:
- 5.2.1. კანონიერი საფუძვლის არსებობისას მოითხოვოს მომსახურების გაწევა;
- 5.2.2. მოსთხოვოს სააგენტოს ჯეროვანი მომსახურების გაწევა;
- 5.2.3. მოითხოვოს დაჩქარებული მომსახურების გაწევა;
- 5.2.4. იდავოს რეგისტრაციასთან დაკავშირებულ საკითხებზე წარმოადგინოს დამატებითი დოკუმენტაცია;
- 5.2.5. მომსახურების დაწყებამდე უარი განაცხადოს მომსახურების გაწევაზე;
- 5.2.6. მოითხოვოს რეგისტრაციის ამსახველი დოკუმენტაციის ქსერო ასლები;
- 5.2.7. მოითხოვოს გაწეული მომსახურების შესახებ სრული ინფორმაცია;
- 5.2.8. მოახდინოს გაწეული მომსახურების ინსპექტირება.

5.2.9. მოითხოვოს სააგენტოს მოთხოვნის კანონიერების დასაბუთება;

5.2.10. სააგენტოსთან ურთიერთობებში ისარგებლოს ყველა იმ უფლებით, რაც მინიჭებული აქვს საქართველოს კანონმდებლობით.

მუხლი 6. მხარეთა პასუხისმგებლობა ხელშეკრულების დარღვევისათვის.

6.1. მხარეების მიერ ხელშეკრულების პირობებით ნაკისრი ვალდებულების დარღვევა გამოიწვევს პასუხისმგებლობას მოქმედი კანონმდებლობის შესაბამისად.

მუხლი 7. ფორს-მაჟორი

7.1. მხარეები თავისუფლდებიან ხელშეკრულებით ნაკისრი ვალდებულებების შეუსრულებლობით გამოწვეული პასუხისმგებლობისაგან, თუ მათი შეუსრულებლობა გამოწვეულია დაუძლეველი ძალით (ფორსმაჟორი). მისი არსებობის შემთხვევაში მხარე ვალდებულია წერილობით ან კომუნიკაციის ელექტრონული საშუალებების გამოყენებით აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

7.2. თუ ერთ-ერთი მხარე დაუძლეველი ძალის გამო ვერ ასრულებს ხელშეკრულებით ნაკისრ ვალდებულებებს, იგი ვალდებულია დაუყოვნებლივ, მაგრამ არა უგვიანეს მომდევნო კალენდარული დღისა, წერილობით ან კომუნიკაციის ელექტრონული საშუალებების გამოყენებით, აცნობოს მეორე მხარეს მისი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ განთავისუფლდება ნაკისრი ვალდებულებების შესრულებისაგან.

7.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 8. დავები და მათი გადაწყვეტის წესი

8.1. ხელშეკრულების პირობების შესრულებისას წამოჭრილი დავები უნდა გადაწყდეს მხარეთა ურთიერთმოლაპარაკების გზით.

8.2. 20 დღის განმავლობაში ურთიერთშეთანხმების მიუღწევლობის შემთხვევაში, მხარეებს უფლება აქვთ იდაონ სასამართლო წესით.

მუხლი 9. სხვა პირობები

9.1. მეორე მხარის წერილობითი თანხმობის გარეშე, მხარეებს უფლება არა აქვთ ამ ხელშეკრულებით ნაკისრი უფლება-მოვალეობები გადასცენ მესამე პირს.

9.2. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში.

9.3. მხარეები ვალდებული არიან იხმარონ ყველა ღონე, რათა ხელშეკრულების მოშლის შედეგად არ მიაყენონ ერთმანეთს მატერიალური ზიანი.

9.4. წინამდებარე ხელშეკრულებაში ნებისმიერი სახის ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა ურთიერთშეთანხმების საფუძველზე.

9.5. ხელშეკრულება შედგენილია ელექტრონულად ქართულ ენაზე, რომლის ყოველი ელექტრონული ეგზემპლარი ორიგინალია.

9.6. შემსყიდველი უფლებამოსილია მომსახურების გაწევის დროს განახორციელოს ხელშეკრულებით გათვალისწინებული ვალდებულებების შესრულების კონტროლი, ხოლო სააგენტო ვალდებულია ხელი შეუწყოს მას კონტროლის განხორციელების დროს.

მუხლი 10. ხელშეკრულების მოქმედების ვადა

10.1. ხელშეკრულება ძალაში შედის მხარეების მიერ კვალიფიციური ელექტრონული ხელმოწერის ან კვალიფიციური ელექტრონული შტამპის დასმის დღიდან და მოქმედებს 2022 წლის 31 იანვრამდე.

10.2. მომსახურების გაწევის ვადა განისაზღვრება ხელშეკრულების დადებიდან 2021 წლის 31 დეკემბრამდე.

მუხლი 11. მხარეთა რეკვიზიტები:

„შემსყიდველი“

ქალაქ ფოთის მუნიციპალიტეტი

მის: საქართველო, ქ. ფოთი, აღმაშენებლის ქ. N12

ს/კ № 215138143

ტელ: 599 87 22 28

/გონა კურდღელია/

„სააგენტო“

სსიპ საქართველოს შსს მომსახურების სააგენტო

იურ. მის: ქ.რუსთავი, თბილისი-წითელი ხიდის გზატკეცილი 21-ე კმ

ს/კ 205190513 სახელმწიფო ხაზინა ა/ა 707157051; ხაზინის კოდი TRESGE22

/ზურაბ ჭელიძე/

ინფორმაცია ინტერესთა კონფლიქტის შესახებ

ქალაქი ფოთი

„22“ იანვარი 2021 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქალაქ ფოთის მუნიციპალიტეტის მერი გოჩა კურდღელია ვადასტურებ, რომ სსიპ საქართველოს შინაგან საქმეთა სამინისტროს მომსახურების სააგენტოსთან არ ვიმყოფები ინტერესთა კონფლიქტში.

ქალაქ ფოთის მუნიციპალიტეტის მერი

გოჩა კურდღელია